



ル 5  
3286  
1



門凡5  
號3286  
卷1

三河縣志序

三河縣志序  
州邑之有志原於  
列國之史所以記  
一時之治績後亦  
之文獻係寫第求

昭和十八年  
八月十八日  
購求

其在者近世惟康  
氏武功諸志其餘  
無聞直隸州邑之  
志舊稱陸清獻靈  
壽縣志一書誠得

紀傳之體蓋其人  
鉅儒以一邑之身  
懷天下之大故其  
文卷帙益多而深  
厚宏濶成一家之

言非李元仲諸人  
有素極古而反破  
其體例者可以余  
官是地久亦嘗從  
事於斯凡河渠祀

典贖紀志既輯有  
成書欲為通志拾  
遺補闕而尤喜諸  
屬吏有能留意一  
州一邑之志者如

序  
吳守廣平府志楊  
牧蔚州志補洪令  
寶坻縣志及遷安  
縣志大率體例明  
燕令沙河杜令兩

核文辭雅正則皆  
為文以序傳之誠  
以作吏者據檄准  
官布一邑之宜歆  
周知地方利弊于

以真之剔之以成  
一代風俗之善要  
左鑒古人之成造  
則志業誠不可少  
寫三河為

畿東要地密通首善  
霑被

聖天子之雅化者最深極  
厚乃百餘年事竟  
未者志印略具草

稿亦不醇不備未  
付剖劄按風土者  
有激憾焉陳令晁  
宰洵四年四民咸  
安之庚辰冬既以

選授麻哈州將去  
馳謁余以邑志適  
竣事請余一言弁  
簡端夫信今傳後  
作志之法也修廢

舉墜有司之職也  
陳令於數年中輯  
成此書不以玄任  
易厥志陳令可為  
知本矣繼自今宰

斯土者展卷叢書  
曉然于立政之宜  
未必非治道之一  
助也余故嘉其意  
為書此以畀之使



與吳君諸書俱不

浪寫

乾隆二十五年歲

次庚辰十二月太


子太保都察院右

都御史總督直隸

蓋理河道軍功加

三級桐城方觀承



撰




卷之四  
藝文志  
詩  
酒  
歸  
圖  
考











三河縣志  
城圖







三河縣志序

乾隆丙子歲余蒙

制府

題授洵邑早夜惕厲思所以報稱者  
必先周知一邑之疆域山川津  
梁道里戶口賦役土俗民情而  
後可以盡厥職因索舊志於椽

又



吏吏曰未有也久而始獲康熙  
年間前令鄭公富民所輯志稿  
畧而未備其序云邑故無志志  
之者始於明季邑令王公自謹  
脩於

國初邑令任公塾而皆未鋟木今  
相去又五十餘年矣故老淪亡  
遺書散佚歷年愈久陳迹愈湮  
後之人將欲述古準今求斯邑  
文獻所在其孰從而詢之余竊  
惟邑自漢潞縣始至唐開元而  
始有三河之名上下二千餘年  
凡山川之險易井里之參差城  
池學校之興廢戶口賦役之多

寡與夫驛站倉庫代革世沿風  
物人材蔚生鬱秀志之不可以  
已也况洵邑密邇

京師首善之區我

國家重熙累洽

聖聖相承涵濡深厚

皇上湛恩一歲休養生息雅化日隆

可無邑志以備輶軒之採哉余  
時時默為搜羅考訂而未敢遽  
率爾也歷三年己卯畧有成緒  
是冬亟集邑紳士於明倫堂謀  
於薛學博文儒李司訓溥作脩  
志計屬丁尉世榮專司提調延  
請江南孝廉王大信邑紳董炳


儲子姪貢生植滋舉人存矩等  
相與旁搜遐攬各抒所學互相  
考索而以正史經傳會典一統  
志文集雜著之書訂其得失復  
採擇舊志之可存者改刪譌謬  
仍列原序於卷首以表前人披  
輯之意又寒暑一週五易稿而  
始成然後送太史朱東江先生  
鑒定呈請

督憲錫之序文以弁簡端謹急付  
梓庶傳一邑之信焉第洵邑既  
無刻志又無傳書邑中更鮮稽  
古洽聞之士欲求太史公所云  
其文雅馴昌黎所云擇焉精語

余  
馬詳者烏可得耶語云始事也  
簡茲志不過就聞見備遺忘聊  
存文獻於什一俾洵之疆域山  
川津梁道里戶口賦役土俗民  
情可展卷而知其梗槩云爾  
時

乾隆二十五年嘉平穀旦

勅授奉直大夫知三河縣事陞麻哈  
州知州陳景序



三河縣志稿原序

三河漢潞縣地也隸

京東去都門百十里

遙蓋圻服巖邑云日者予遊長安邸聞燕薊薦紳先生譚說其風土迥然思與其沉鷲樸茂者遊而上下其議論未得也亡何承乏是邑及歷其疆土望其山川犁然一重地焉暇進掌故者索視邑乘對以無有悵然者久之按周禮有閭史惇史掌書一鄉之善惡以待輪軒之使采風而獻之况國家之郡縣乎郡縣而亡乘無論風

俗靡醇無所考見而封域田賦之制戶口錢穀之額寄在簿書者將為猾胥所上下莫可究竟矣若之何以清弊源告後人也乃謀於侍御東橋蕭公學博賈君與邑庠二三同志共訂修之書成凡十有二卷臚分縷晰庶幾可備檢閱矣第邑故無志又無郡書可考所采者惟喬公起莘遺草及通州志畧而已因其帙而增飾之專有望於後之君子知三河縣事王自謹撰

三河縣志稿原叙

余奉

命令檀州三年復膺

特簡調洵洵距檀百里許均古漁陽地而洵為京

東孔道恭遇

皇上

東宮展謁

陵寢

皇子

親王以時分薦蒲伏供應近爲天下第一而且屬國之貢道出于茲間左之謫發出於茲山海之漁獵亭障關塞之戍守無一不出於茲視檀較益繁凜凜乎有盤錯之虞偶於圈移踏履之餘戶籍編竣之暇進掌故者索邑乘視之應以兵燹後舊刻無存止手錄二冊備覽余思邑志之重與國史等

盛世憲章傳信萬世手錄焉足據闕之自萬歷以前僅稱差備其後百餘年文獻無徵遺跡荒畧言也更寒暑三脫稿而成書極知蕪蔓不足以信後或一披閱而經理之始末可據寧忍視爲虛車耶是故觀天文而察變齊政之道昭矣觀地理而脩德設險之實敦矣觀建置而幹蠱傾否之志奮矣觀風土而轉移化道之機溥矣觀財賦而用一緩二之矜切矣觀典禮而天明地察之敬凝矣觀官政而忠君愛國之心生矣觀人物選與武備而兼善達道之義重觀藝文而崇雅黜浮之習端舉其實弗泥其迹原其意弗

害其辭庶幾按圖索駿藉釜得魚未必無補於  
疲邑也翁之治洵也英敏中寓寬大若興學校  
勸農桑慎刑獄平出納繕城署清驛道實心實  
政有未易名言者脩志乃餘事也因備錄於此  
俾觀者知民惠有自云邑人監察御史蕭九峯  
撰

舊志後序

邑志古列國史也豈惟炫麗耀侈摘奇擷秀  
爲一方觀美之具已耶觀風者將采而登之  
府成昭代之信史志史之初筆也可廢乎哉三  
河設自唐初上下千餘年何獨無志也慨昔王  
郎流毒鼓鼙啟釁已無寧日至石晉割以賂遼  
終元世五百禩文獻寥寥迨我太祖肇造區夏  
成祖定鼎燕都始爲左輔重地涵濡聖化稱彬  
雅焉但去邊鄙百里而近兵戈相尋凡古今事



實湮沒無聞而馭民制度復因時屢遷故未有志誠缺典也萬歷甲申夏王心翁來蒞茲土慨然以興革爲已任通變宜民百度聿新乃捐俸創脩縣志謬委役於余余惟事莫難於紀實孔子能言夏殷禮而嘆杞宋之無徵考亭歷江浙閩海所在以脩志爲亟聖賢豈徒資博洽托空言已也固將灼前聞而見諸行事爾矣因殫心研精以次以輯其間別綱標目損益去取惟翁指授焉至於附論則又參諸父老非一人之私以

畿輔風物文章之美而近事無稽君子缺焉余承之茲土思欲修釐舊章纂成信史而學識寡陋勢不能以一手目之長舉千百世之績夫以良史才如班馬輩擅長今古猶多遺議何得漫無確見輕爲論著耶爰延集通邑同志廣搜稗乘自萬歷以來其灾祥風俗吏治得失人物盛衰變革損益諸事悉各一欵以本地人紀本地事所聞所見必確必公若夫忠孝節義廉潔高逸

有關名教者尤宜詳列事維大而可垂善雖小而必錄人無論貴賤事不拘顯晦表微闡幽是余之責也夫遂於乙酉歲閱數月研精編輯稿始就捐俸殺青授之梓庶有成書徵信後來而余亦藉以免瘵曠焉但慮時異世殊人往風微後之君子尚相繼而成其志毋闕人亦無闕事共襄一代鉅典上尊

國體下表民風斯又予之厚幸已知三河縣事鄭富民撰

三河縣志目錄

三河縣知縣海昌陳景輯

圖考

縣境圖

縣城圖

河渠圖

縣治圖

學宮圖

職方卷之一

星野

疆界

形勝卷之二

山川

古蹟附

八景附

建置卷之三

沿革

城池

學校

廟制  
修建

學制  
學政

書籍

碑記

公廨

義學

學田

行宮

公署

倉廩  
賓館

壇廟

關局

典禮卷之四

禮儀

朝賀  
鄉約

頒朔  
揀護

迎春  
上任

鄉飲酒禮  
送學

賓與

祭祀

郵典

附

賦役卷之五

戶丁

田賦

存留  
起解

雜稅

積貯

附

恩恤

鹽法

驛站

鋪遞

鄉間卷之六

街里

坊表

村莊

里社

市集

橋梁

寺觀

墳墓

保甲

附

風物卷之七

風俗

時序

物產

物異

附

職官卷之八

額設

年表

附分  
佐

名宦傳

賢員傳

選舉卷之九

荐辟

甲科進士舉人

會副副貢

武科

歲貢

例貢

職監

武紳

椽吏

封廕

兵防卷之十

駐防

營署俸餉

額設軍政

城守

營署俸餉

整堡軍政

額設

駐防年表

城守年表

水利卷之十一

河渠

溝洫

井泉

人物上卷之十二

鄉賢

忠節

孝友

文苑

義行

人物下卷之十三

貞烈

僑寓

方技

仙釋

雜識卷之十四

撫言

紀事

藝文上卷之十五

碑記

序文

藝文下卷之十六

雜著

題詠

凡例八則

一曰原始三河本古臨洺地置縣於唐開元四年分  
 併隸屬歷代攸殊所建城池廨舍學校壇壝一經  
 移置則荒蕪野棠誰復識其故址語有之往事之  
 不忘後事之師也為採史集以詳原委亦祭川先  
 河之義云

一曰分類比事屬辭春秋教也後世作史者莫能外  
 邑志雖小亦當部居類列庶若網在綱有條不紊  
 今分為十四類如職方形勝建置典禮賦役鄉閭



風物職官選舉兵防水利人物雜識藝文以十四類分爲若干卷於類之中又別爲節目若干條而以古蹟附形勝以積貯附賦役以存卹附典禮以保甲附鄉閭其他比類稱名各依其類以無失體要之義焉

曰序次卷帙旣編次第宜審夫星紀攸分疆域始定則職方固宜首列矣詳訂山川安流奠峙則形勝次之國有興立沿革相仍則建置次之城邑旣作秩祀斯崇則典禮次之任土以作貢度地以居

民觀風以問俗故次賦役次鄉閭次風物官師所以式一方縉紳所以型四境故次職官次選舉捍禦所以弭寇盜灌溉所以備水旱激勸所以勵人倫故次兵防次水利次人物而邑之可傳者具是矣他若軼事見於他說遺言可作箴規亦蒐羅所必及也故次以雜識名公卿遺澤之留賢士夫贈答之什亦經術之一助也故終以藝文閱者以序求之不有先後互相發明者乎

曰取義彰善輝惡史家之法卽史家之義也顧史

備勸懲故善惡兼舉志則意在表揚惟善是與非  
敢失實但節取而不槩其生平蓋十室之邑有忠  
信而薰德之後皆善良三河土瘠民淳人多自好  
苟聞風興起而蒸蒸向善則又司牧者之所深幸  
而非僅取善善欲長之義也

一曰闕疑列國之有志實與史書相表裏史以傳信  
非以傳疑也山川人物風土民情上備輶軒之採  
下供稽古之徵若僅憑故老之傳聞何以爲後人  
之考據洵邑向無傳志又無載籍可稽則名葺而

一實創未能深考不敢訛以傳訛本郭公夏五之意  
也

一曰表微幽蘭不以無人而不芳貞士不以無知而  
改操洵邑山盤水駛風氣廉潔士固矜名而女亦  
多立節粵稽圖史所載以及我

朝之所褒崇類皆正氣清淑義烈動人下及蓬戶甕  
牖椎結竹釵雖里宅未表而懿德堪嘉察核不誣  
者莫不義取闡幽以昭褒勸亦劉子政范蔚宗之  
遺意云

一曰拾遺歷代正史會典一統志與夫金石刻之文  
蒼而摺之固爲有典有則文獻可徵乃逸事遺言  
往往得之學士之筆談稗乘之紀載以及家譜私  
集有涉邑事者皆足供多識以備參考昔宋洪邁  
採遺事著隨筆壽皇閱而善之謂議論可裨治化  
故紀逸事於雜識大足以知勸戒小亦足以益見  
聞逸詩曰雖有絲麻無棄菅蒯信夫

一曰集說所聞異詞所傳聞又異詞年遠而事湮也  
不特稗史野乘燕談筆記固多異同卽史集中亦  
有彼此互異者故主一說而衆說可廢則附以按  
語有集衆說而一說始明則援以旁通有一事而  
互見則各系其說於本條有兩說可並行則並載  
其書於本類昔衛正叔嘗纂禮記集說矣曰他人  
著書惟恐不出於己余此編惟恐不出於人竊附  
正叔之義以見言非臆造云

海昌陳景慎一氏識



三河縣志卷之一

職方志

星象應乎天疆域應乎地有象可稽卽有域可紀王者仰觀俯察而職方氏之所掌不外乎是夫史家分天文地理爲二例而志或以星野名篇或以封域冠首竊以星有專主地有定域爲躔爲度卽疆里所由分爲邑爲州卽列宿所由屬言職方而觀文察理具在矣故博採經傳史集標而著之以爲敬天勤民者鑒志職方

星野

**周禮總義**析木燕之分星幽州之星土也

**周禮注**星土星所主土也析木屬燕地應鐘亥之氣也十月建焉而辰在析木

**月令章句**自尾四度至斗六度謂之析木之次立冬小雪居之屬燕之分野

**春秋左傳注**箕斗之間有天漢故謂析木之津于十二次爲位在寅

**春秋元命苞**箕星散爲幽州分爲燕國昴畢間爲天街散爲冀州分爲趙國

**爾雅**析木謂之津箕斗之間漢津也

**爾雅疏**析木謂之津箕斗之間天漢津梁也又箕斗之次名孫炎曰析別水木以箕斗之間是天漢之津也劉炫謂天漢在箕斗二星間箕在東方木位斗在北方水位分析水木以箕星爲隔須津梁以度故謂此次爲析木之津也不曰析水而曰析木者此次自南而盡北故依此次而名析木也郭璞云箕龍尾斗南斗天漢之津

梁以東方七宿成龍形首南而尾北箕在蒼龍之末故云龍尾斗至南方即見故云南斗

**史記天官書**尾箕幽州

**漢書地理志**燕地尾箕分野也東有漁陽右北平西有上谷代郡南有涿郡范陽北及勃海之次皆燕分也自危四度至斗六度謂析木之次燕之分也

**晉書天文志**自尾十度至南斗十一度為析木於辰在寅燕之分野屬幽州

**隋書地理志**冀州古堯都舜分州為十二冀州析置幽并其於天文自胃七度至畢十一度為大梁屬冀州自尾十度至南斗十一度為析木屬幽州自危十六度至奎四度為媿訾屬并州準之星次本皆冀州之域

**唐書天文志**析木為雲漢末派山河極焉故其分野自北河末派窮北紀之曲東北負海為析木負海者以其雲漢之陰也尾箕析木津也初尾七度餘二千七百五十秒二十一少中箕五

度終南斗八度應北平漁陽上谷等郡

**遼史地理志**

析津本晉薊縣改薊北縣開泰元年更今名以燕分野旅寅為析木之津故遼史國語解野旅寅野謂星野旅謂躔次寅者辰舍東方之位燕分析津之所也

**通史歷志**

周天列宿度古用管鬮今新制渾儀測用二線所測度數分抄與古不同尾十九度一十分箕十度四十分尾三度一分一十五抄入析木之次辰在寅

**步天歌**

尾九星如勾蒼龍尾箕四星形狀如簸

箕

**宿度**

自尾十度至斗七度百三十五分而

終曰析木之次於辰在寅謂之攝提格於律為應鐘斗建在亥今燕分野

**古今律曆考**

尾漢太初歷洛下閎所測十八度

宋皇祐所測十九度崇寧所測十九度少元授時歷郭守敬所測十九度一十分箕太初歷一十度皇祐所測十度元豐所測十一度崇寧所

測十度半授時所測十度四十分

**地理通釋**

九州十二域或繫北斗或繫二十八

宿或繫五星冀主樞此繫之北斗者也析木燕  
此繫之二十八宿者也辰星主燕趙代此繫之  
五星者也

**明史天文志**

涿通薊三州皆尾分

**清類天文分野書**

通州三河武清尾二度

分野之辨蓋天有十二次星辰之所躔地有  
十二辰王侯之所國分野者指列星所屬之分

流言鄭康成所謂星之主土是也晉周蘇伯衡  
之論分野皆主此故有國在彼而星在此若不  
相配而其為象未嘗不相屬先儒以為古者受  
封之日歲星所在之辰其國屬焉然此可占休  
咎而非可槩星野也惟唐一行僧以兩戒分山  
河以斗為綱雲漢為紀箕尾為地紀之窮居天  
之良而箕列天漢有津梁之義故上應天津而  
占箕尾其說近之顧鄭氏謂自尾至斗為燕之  
分此特指冀州之大畧而言若州邑所入豈可

以所起所終之度論哉州郡纏次日漁陽入尾  
三度右北平入尾七度今洵邑東接漁陽西連  
北平證以明史天文志清類天文分野等書其  
爲尾度無疑矣

疆界

縣治在

京師順天府正東東西廣七十里南北袤九十里  
東至段家嶺薊州界二十里至薊州治七十里  
南至彭家府香河縣界三十五里至香河縣治

六十里

西至烟郊通州界五十里至烟郊

行宮五十里至通州治七十里至

京師順天府一百一十里

北至胡家營懷柔縣界五十五里至懷柔縣治  
一百三十五里

東南至料馬庄寶坻縣界三十里至寶坻縣治  
七十里

西南至窩頭廟通州界六十里

東北至撥山頭平谷縣界二十二里至平谷縣治四十里

西北至楊各庄順義縣界六十里至順義縣治九十里

西北至齊連庄密雲縣界六十五里至密雲縣治一百二十里

西北至大新庄

行宮五十里

論曰山川精氣上爲列星此分星分野所由名

三河縣志卷之二

形勝志

古者營邑必度山川亦以天地位而高卑陳山川聚而形勝固于以阜財用足衣食水土衍而民力溥也三河在京畿東環山帶水夙稱巖邑而車馬往來冠蓋相望又爲左輔極衝之地爲之考核山川備詳形勢庶爲司牧者知四境險易之宜衝僻之分而且斜陽古道立馬摩挲則古蹟美景又憑眺者所宜識及也志形勝

山川

**廣輿記**

洵巖邑也居庸障其背洵洳襟其前山

海扼其左紫荆控其右雄山高峙流河如帶

**畿輔通志**

紀三河志曰山惟華惟靈水曰洳曰

洵

靈山 縣北十五里

**明一統志**

靈山之麓三面有泉清冽可愛

華山 縣西北四十里

石城山

即兔耳山旁小山

縣西北四十里上有石城故

名

**按**

畿輔通志稱石城山在縣北五十里蓋指縣

極北境之石城山非即兔耳山旁小山也又拷

拷山亦有荒基如石城形土人亦稱曰石城是

石城山凡有三矣

盤龍山 縣西北五十里舊名旁立山建

行宮後改新名

狼山 縣西北三十里

聖水山 縣西北三十五里



明一統志山上有聖水泉可愈眼疾

**長安客話**三河縣西北山上有泉汲以洗目可

療目疾因名聖水

陀山

卽寶陀嶺

縣北六十里

名勝志畿輔通志皆作駝山

**水經注**

五百溝水出駝山北東經緱城南入洶

河

孤山

縣西五十里上有寶塔孤山廟

**畿輔通志**

四面平曠一峯挺秀故名

馬鞍山

縣西北二十五里

鳳凰山

縣西北五十里

**名勝志**

靈山華山聖水山駝山俱在縣北靈山

去縣治十五里三面出泉居民以利灌溉形勝

記所謂北倚靈山者是也又十五里爲華山一

名兔耳山又十五里爲駝山卽香河縣駝港

之源水繞駝山而出故名其地又有石城青梁

諸山口

名勝志里數俱不符

王魁山

縣西北五十里倚山庄名仍此

嶠山

縣東北五十里

清涼山 縣北五十里

蔣福山 一作蔣府山 縣東二十里上有龍潭禱雨輒

應 按畿輔通志作縣東北十五里

拷佬山 縣北三十里山前有靈巖寺又有砥

堂寺

掀山頭 縣北十五里

堡子山 縣東十五里

**按** 邑有兩堡子山一在縣西北五十里

八里嶺 縣東十五里

齊家木 縣東十五里

段家嶺 縣東二十里官道旁

洵河 縣北二里許

洳河 縣東五里

**按** 洳河即錯河一名七渡河又名黃頌水

小河 縣北十五里

鮑邱河 在縣西即白河之分流也亦曰潮河

不老淀 縣南四里

**按** 諸河源流詳河渠不敘入

古蹟附

河邑古蹟希少然而故城舊館寶刹名莊雖世遠代湮而片石常留故址尚在與夫名人選勝逸士尋幽百世而下有誇為盛事者乃知地以人重而室惟德馨也附識山川後以俟覽古者採焉

古城 縣東三里河邑之舊城也

**方輿紀要** 臨洺城石趙所置亦曰臨渠城晉永

和六年慕容霸伐趙收安樂北平兵糧與其主

雋會于臨渠即此城也後魏廢

**水經注** 洺河一名渠河東逕臨洺城北屈而歷其城東

**城邑考** 舊城在今縣東三里洺河南

**畿輔通志** 故城在三河縣東南石趙築城于此

紱城 縣西北三十里相傳元耶律英公城

**水經注** 洺河南經紱城東而南合五百溝水

唐會莊 在靈山北

**屯政考** 縣多曠土宜耕屯有唐會莊為昔時墾

植之址

夏澤 在三河縣西

**水經注** 鮑邱水南流逕潞城南又東南入夏澤

澤南紆曲渚一十餘里北佩謙澤渺望無垠今

考三河縣古潞縣地縣西三十里名夏店舊有

驛鮑邱水環其下疑夏店之名因古夏澤其東

彌望皆陂澤與水經注合

五槐公館 在縣西三十里夏店舊有驛今廢

舍利塢 在縣西門外金正隆元年顯武將軍

孟勝建傳藏佛牙舍利子於內高十三級康熙

十八年地震頂簷四墜層級難分而塢身岐立

如故

鏡兒淀 在蔣福山居環山之中有水時積水

一泓下有滲泉登盤谷諸峯俯觀如鏡水涸則

居民耕之

古馬房 在馬房莊北為遼金元明牧圍之所

至今基址猶存

無樑閣 在焦園東山之麓疊石成堦不施樑

木三殿皆然

石城 在兔耳山頂周圍砌石爲城不知始於何年

遼章宗陵 縣北五十五里舊志云前有兩小山並峙上有擂鼓臺並載明一統志及

國朝纂修畿輔通志

**按** 顧炎武曰考遼無章宗其一代諸帝亦無葬三河者 泉 遍訪境內無址可考但舊志相沿未便難芟姑識之以俟博洽者

錯橋 縣東五里一名草橋今圯

八景附

三河潞水西環盤山東拱衆流交會於南羣峯聯峙於北旣翠嶽以競翠復蕩漾而爭奇疆土寬平泉石鍾山川之秀閭閻繁聚旗民樂耕鑿之天用詳八景以表名區

靈泉漱玉 靈山之麓三面有泉或從石竇或自沙垠積流成溪居人導入陂田巔卓浮圓腰藏梵宇凭軒遠眺惟見野橋村落掩映層林瓜

三河縣志 卷二 七  
圃蔬畦紆迴曲澗恍如身在畫圖中也

聖水流舟 泉在蕨山幽谷從洞中石乳滴下  
縷注澄潭僅供數人之汲雖盛夏不涸其性清  
冷其味甘冽相傳能愈目疾云

陀嶺春雲 縣北重山綿亘百餘里嵐氣上蒸  
霧蔚成雲若屏若障森列半空不可名狀春時  
遇雨則峯巒半隱遇晴則巖岫分明居民覘此  
以卜耕耘之候

月池秋鷺 縣北胡家橋有水渟泓可半頃其  
形如月菰蒲菱芡交橫掩映至秋則鷗鷺羣飛  
下上以適其性焉

七渡晴瀾 城東五里錯河之官渡在焉水遠  
流長錦鱗游泳當夫天氣清明微風澹蕩釣叟  
適垂綸之興行人欣一葦之杭雲影波光四望  
皆成勝槩也

孤山挺秀 山自平地拔立突聳一巒旁無附  
麗上有浮圖數仞登臨四顧平原曠野阡陌如  
繡遙指盤山白塔諸峯及靈山寶塔參差對峙

北兔歸樵 縣北有山形如兔耳其上林木深蔚其下村舍環居雖樵牧不盡在此山而必由此爲歸村之徑石勢峻嶒山嵯屈曲當夕陽西墜清風徐來樵歌下上與巖石之聲相應

南塘落鴈 邑南積水數十頃下通錯河一名不老淀土人呼爲南港其中洲渚多生紅蓼青莎因塘面遼濶繒繳不施鴻鴈飛鳴聲聞數里之外

論曰山川爲都邑之表故雄鎮巨澤紀之職方望景觀泉形之篇什凡以表厥勝也三河阻山帶河疇平野濶其形勝有足觀者更邀

宸蹕常臨

行宮鞏建輪蹄輻輳冠蓋交馳誠

左輔之通衢東道之勝境也若夫春雨草堂興懷杜甫秋風五柳恍遇陶潛懷古者低回留之不能去豈僅如宋迪之圖八景作平遠觀已哉

三河縣志

建置志

國有與立建置必詳古者建邦啟土各有命名之不同隸屬之互異分併之各殊潞縣臨洵臨渠三河命名之不同也郡道路省州府隸屬之互異也自漢迄明以逮

皇朝分併之各殊也舊志畧載城池而歷朝分析沿革未及何以考質今詳稽細覈縷而分之縷而合之後之蒞斯土者按籍而稽庶幾瞭然心目



云志建置

沿革

**郡縣釋名**三河以地近七渡鮑邱臨河三水名

按漢以前邑名無可考設邑自漢潞縣始潞縣即今通州也至唐始分析臨河後更置三河故

探史自新唐書始其自前漢書以至隋書所載州郡都邑不復摭拾云

**新唐書**武德二年析潞縣置臨河貞觀元年省臨河併薊州開元四年更置三河縣

**顧炎武**曰明一統志云三河漢臨河地考漢漁

陽郡轄縣有潞無臨河唐書范陽郡潞縣下云

唐武德二年置臨河縣貞觀元年省入薊州漁

陽郡三河下云開元四年析潞縣置故知本是

潞縣先分爲臨河後分爲三河皆自唐非漢也

按清類天文分野書三河本漢臨河縣地明一統志遂誤引之

**太平寰宇記**三河縣初置屬幽州開元十八年

改隸薊州

按唐乾寧中爲劉仁恭地僭稱燕李存勗遣周

德威滅之爲後唐同光中命趙德均鎮其地後

石晉割燕雲十六州賂契丹地入遼

**遼史地理志**開泰元年置幽都府漁陽縣三河

縣玉田縣隸薊州屬南京道後改幽都為析津

**按**遼為金所滅金天輔七年為宋宣和五年金

遣楊璞以燕京六州之地歸宋宣和七年仍入

金

**金史地理志**貞元元年改燕為中都大興府天

會七年屬河北東路三河隸通州

**元史地理志**至元二十一年置大都路直隸中

書省領州十州領縣二十六通州領潞縣三河

**清類天文分野書**金元並屬通州

**明史**太祖實錄洪武元年改大都路為北平府

成祖實錄永樂元年改北平府為順天府

**明史地理志**順天府領州五縣二十二以三河

武清瀛縣寶坻屬通州

國朝順天府轄州六縣二十一三河隸焉其各州

縣分屬霸昌通永二道

**按**舊分三河武清寶坻隸通州屬通永道雍正

四年以通永道專司河務以通州三河等州縣

並屬霸昌道九年改寶坻縣之梁城為寧河縣

十二年仍以通州三河等七州縣分屬通永道

**畿輔通志** 三河漢潞縣地唐武德二年析置臨  
 洵屬元州貞觀初廢景龍三年改臨洵置三河  
 開元四年析潞縣置三河縣屬幽州十八年改  
 薊州五代初廢後唐長興三年復置三河晉天  
 福中入于遼屬薊州尚武軍保大末入于金等  
 入宋宣和五年屬廣川郡七年仍入金天德三  
 年升潞縣為通州以三河隸焉元屬大都路明  
 屬順天府通州洪武十年省平谷縣入三河十  
 三年仍設平谷屬薊州

**按** 堯建幽都禹奠冀州虞書肇十有二州于

分幽并于青分營此屬幽州之域而有幽營而  
 無并周有幽并而無營職方所司呂覽所載皆  
 屬幽州此虞夏殷周之沿革也秦分四十郡為  
 上谷郡漢立十三州仍改幽州始置潞縣晉為  
 燕國魏號漁陽以後石勒符堅慕容氏互相據  
 奪為趙為秦為前後燕至隋而改涿郡此秦漢  
 五代之沿革也唐分天下為十道尋增為十五  
 道析潞縣為臨洵亦曰臨渠開元間始有三河

之名隸河北道唐末劉仁恭帥燕為其子守光據地僭稱燕後唐同光中以趙德均鎮其地民咸賴之自石晉以燕薊十六州遺遼遂收燕京宋宣和三年同金滅遼地入于宋七年仍為金有隸大都路此則漢唐五代宋遼金之沿革也元置大都路總管府行中書省凡十州三河隸通州明克元都詔改北平永樂十九年都北京改順天府轄州六三河亦隸通州此則元明之沿革也我

朝定鼎建都統一萬方三河始屬通州後屬順天府始轄霸昌道後仍轄通永道一切刑錢事宜俱由東路督捕分府核轉法制相維區畫盡善雖一官一邑具見

聖德之所廣運云

城池

**城邑考**舊城在今縣東三里洵河南建于石趙廢于後魏今三河城即趙德均所置城方六里濠濶三丈深半之

按名勝志亦以縣城初于後唐明宗但云方六里非

建置

**五代史**後唐李存勗拔燕以趙德均鎮幽州爲節度使苦遼數侵掠乃城三河而戍之

**通鑑**後唐長興三年趙德均爲節度使於幽州東北百餘里城三河縣以通薊州運道契丹來爭德均擊却之九月朔城三河畢邊人賴之三河舊城在縣東洵河之南被水衝廢後唐明宗長興三年盧龍節度使趙德均改置今城城方四里內築土基外砌磚石高二丈濶二丈四面凡九百六十餘丈堦口凡一千三百餘門樓

四座水門二濠濶三丈深半之明嘉靖二十九年知縣張仁修理增高五尺四十二年知縣劉文彬復增高五尺巡方房御史按三河鄉官蕭九峯喬伊極陳城垣底薄卽奏請帑金一千兩動支撫按存庫銀一千二百兩大加修輯隆慶三年知縣張綸增置角樓敵臺

皇清康熙十八年地震知縣任塾重修三十年知縣張鼐捐俸修城四面完固

雍正五年贊善彭廷訓奉

百謹修完固

雍正十年知縣林廷璧詳明 院憲題額城門

東曰就日南曰來薰西曰瞻雲北曰承恩

乾隆三年知縣<sub>趙</sub>福領

帑重修

乾隆九年知縣陳基領

帑重修

乾隆廿七年知縣薛如春領

帑重修

乾隆二十二年知縣陳<sub>景</sub>因城垣日久多有剝

落稟明 上憲修東面十五丈西面南面二十

九丈

學校

化民成俗端必由學我

朝敬教明倫泮林芹藻振古文明况三河密邇首

善樂育薰陶尤近

作人之化今歷叙廟制學制學政見造士之法燦然

明備焉

廟制

學在縣治西南金太和間始建明宣德間重修

前為櫺星門外東為德配天地坊西為道貫古

今坊中為戟門三楹

宋建隆元年詔廟門准議立戟十六枝政和元年增

為三十四戟故名

今易為廟門東為名宦祠西為鄉賢

祠前為泮池池上甃甃為橋內為大成殿五間

周砌月臺東西為兩廡各五楹

啟聖祠在明倫堂東明嘉靖十年建於雍正二

年追封王爵改為崇聖祠內供奉

至聖五代木主

文昌閣舊廢今建為文昌祠

奎星樓舊廢乾隆十一年知縣熊繹祖因舊址

重建並設圍牆大門

先師殿匾額 康熙三十年

御題萬世師表 雍正四年

御題生民未有 乾隆三年

御題與天地參

學制

建置

正殿後為由道門東西兩角門內為明倫堂金  
 泰和間知縣蒲察建元知縣劉鐸改為講堂後  
 易為明倫堂康熙三十八年知縣陳廷栢重建  
 內壁嵌

御製卧碑一面供大遼卧碑一面康熙四十一年

欽定條約卧碑一面東西設錄功記過二壁閣

贊善彭廷訓書

明倫堂匾額直隸學政吳應棻書萬古綱常額東為進德齋西為修業

齋後為敬一亭外立明嘉靖五年頒敬一箴碑

內壁嵌程子視聽言動四箴石刻

元至正戊子教諭劉元皓修建文廟明正

統間重修儒學明宣德年間重修兩廡

皇清康熙十三年知縣任塾重修學宮二十一年知

縣余學昌於地震後重修

先師殿伍間二十九年知縣彭鵬重修學宮三十八

年知縣陳廷栢重修明倫堂東西齋東西耳房

敬一亭由道門兩角門月臺甬道俱備康熙四

十四年知縣鄭富民重修正殿五間四配十哲



造龕四座廟後繚以花墻旁啟兩門以通出入  
至明倫堂周垣皆修葺無缺

學政

廩膳生員額制二十名增廣生員額制二十名  
附學生員無額數武生無額數歲貢二年一貢  
歲科試取文章十二名為附學生員歲試取武  
童十二名為武生康熙五十四年增取文章三  
名為十五名

**畿輔通志**康熙五十四年以直隸人文日盛增

廣學額州縣衛中學各增三名

乾隆二十三年知縣陳景以三河流寓世居斯

土限于丁冊無名投考屢遭攻擊謹援流寓住

居三十年無籍可歸准其該地考試之例詳明

學院批准復從諸生公請勒石黌宮以杜積

弊

書籍

康熙六十一年至雍正七年頒發

上諭六部雍正八年至十三年頒發

上諭五部日講四書解義一部春秋傳說彙纂一部書  
經傳說彙纂一部詩經傳說彙纂一部吏部品  
級考一部性理三部四書講義六部明史一部  
畿輔通志一部學政全書一本  
欽定四書文一部相見儀注一本

上諭共七本

聖諭廣訓一本朱子全書一部康熙字典一部周易折  
衷三部詩經二部春秋二部書經二部資治綱  
目二部新則例一部續編綱目一部

上諭滿漢內外文職潔已奉公二本嚴行處分提調  
條例一本二十五年三禮一部

碑記

元至正十年創建兩廡碑記  
泰定元年加大成至聖文宣王碑記  
明崇禎十年重修儒學碑記  
皇清康熙十六年重修儒學碑記

康熙二十九年學宮告成碑記二座

一在文昌  
祠前一在

戟門  
東

公解

教諭宅八間 訓導宅十二間

射圃在明倫堂西

社學

舊社學書舍在... 坐祠東康熙二

十八年知縣彭鵬... 建

三河... 西街一在南關一

在真武廟一在南... 十四年建一在段

家... 七年建

乾隆二十四年知縣陳景以義學久廢復設于

縣治東彭公祠內延師課城鄉無力讀書者

學田

南港地十三頃四十畝四分二釐坐落不老淀

早澇不常所交租銀以為修理文廟之用

社學田二頃五十五畝五分為義學膏火坐落

本縣正北忠二鄉二保果各庄東北路信二鄉

頭保芮家營租糧載坊市社十甲內康熙二十

九年知縣彭鵬置有碑記在名宦祠旁

泗河淤池四十八畝乾隆年間知縣薛如春詳明歸入義學以資膏火

**按** 建國君民教學爲先學校棊首重矣而古者黨庠術序皆有鄉學亦以師道立而善人多此宋時建立書院亦古者立鄉學之遺意也三河山水蔚深士風淳厚苟春誦夏弦日事薰陶行見人文鵲起不惟洵水一邑之榮已也

行宮

一在烟郊乾隆二十年移址向南十六丈重建

內營房設立滿洲官兵看守外營房設立經制外委一員兵八名看守官房三間兵每名房二間共十九間

一在大新庄乾隆十九年將盤龍山舊制移建前石橋一座西石橋一座東木橋一座  
內營房設立滿洲官兵看守外營房設立經制外委一員兵八名看守官房三間兵每名房二間共房十九間

漢員經制外委年表總列兵防志內不重敘滿

員係各設委署千總一員其各員名姓陞調期日隸盤山總管不贅敘

公署

縣治明洪武初建在城西北隅正統間重修中為牧愛堂東為典史廳西為財賦庫後堂為知縣住宅東為縣丞宅縣丞裁主簿居之主簿裁典史居之典史廳南東面為吏戶禮承發司架閣庫儀仗房財賦庫南西面為兵刑工馬政科鋪長司房大堂前建

巡檢坊前為儀門門東為軍賦堂為糧局為神器庫為土地祠門西為禁獄前為大門上有譙樓大門外為申明堂西為旌善亭萬歷十二年知縣王自謹重建土地祠馬神廟廢神共三楹監獄房十間嘉靖四十五年知縣崔璵重建大門譙樓寅賓館此舊制也

三清康熙十八年地震俱圯無存知縣任塾重修公廨二十五年知縣彭鵬建馬神廟於署西三十年知縣張龍建土地祠共三楹於署東南三十

二年知縣張朝琮建倉房六間監房六間三十  
 九年知縣鄭富民建科房六間乾隆十一年知  
 縣熊繹祖重建東西科房十間班房四間儀門  
 一間角門二間牌坊一座甬道月臺並署內土  
 地祠

倉廩

舊志預備倉在縣治西軍儲倉草廩在縣治東  
 北俱廢雍正八年知縣唐續祖建天字瓦廩六  
 間地字瓦廩六間人字瓦廩六間乾隆元年知

縣唐續祖建裕字土廩六間恒字土廩三間更  
 房一間大門一間

倉神廟一間

額設倉斗級四名

乾隆二十二年知縣陳景俱自行重修二十五  
 年修舊瓦廩九間二十二年重造裕字土廩六  
 間頭門一間二十四年重造恒字土廩三間豐  
 字土廩二間

**按**在官言官在府言府官府之地公署著焉署

三河縣志 卷三 五  
者位之表也位乎此以審諸政率衆職蒞庶民  
非直爲觀美已也三河公署堂垣備建倉獄重  
修歷敘規制官斯邑者弗以傳舍視之庶于民  
有益哉

### 朝鮮賓館

邑內舊有朝鮮館係康熙五十一年價買民房  
修建年久傾圮僅存基址前任將木植磚瓦等  
物變價銀一百兩七錢四分貯庫以爲建造添  
用乾隆二十四年知縣陳景捐俸置買西街民

房一所價四百兩除將木植銀一百兩七錢四  
分并原館空基變價二十兩共銀一百二十七  
兩七錢四分抵補外餘皆捐銀契置又鳩工修  
理詳明 各憲以爲朝鮮貢使賓館

計前後三進兩廂共瓦房十五間土房二十  
八間馬棚四間下連基地東西寬八丈二尺  
南北長二十五丈

### 壇廟

風雲雷雨壇 在縣南門外

山川社稷壇 在縣北門外

八蜡廟 舊在社稷壇康熙五十三年知縣李

長華典史曹文炳奉

音建於南店張相公廟內前殿中供劉猛將軍及八蜡

神像乾隆五年知縣彭萼采重修乾隆十一年

知縣熊繹祖又修制度始備

**按**降靈錄劉猛將軍名承忠吳川人元末授指

揮弱冠臨戎兵不血刃盜皆竄適江淮千里飛

蝗遍野揮劍追逐須臾蝗飛境外後因鼎革自

沉於河有司奏請立廟授猛將軍

呂厲壇 在縣北門外

馬神廟 在驛內

土地祠 在縣署頭門旁前三楹中供

關帝左財神科神右土地後一楹供 關帝三代

乾隆年間知縣熊繹祖重修但地湫隘乾隆二

十一年知縣陳景敬移請 關帝三代於東街

關帝廟後殿移請土地於後楹復用價二十

八兩置買祠東臨街土房四間草房四間北廂



土房二間南偏厦土房二間共十二間召人租賃作看祠人工食

關帝廟 在城內東街 三代供後殿前有戲樓

城隍廟 在縣治西南

獄神廟 在監內

先農壇 在城東郊雍正四年建額設農夫二

名

倉神廟 在倉內

火神廟 在南門甕城內

張大明王廟 在南店八蜡廟後

忠義祠 在學宮東

節孝祠 在倉前

外碑坊一座 以上忠節二祠俱雍正二年建

彭公祠 在縣治東祀

本朝康熙年間知縣彭鵬

**按**壇壝廟宇載在秩祀者實有靈德以庇我邦

人所禳報賽昭答如響地而壇屋而廟豈叢祀

中無名之土木比耶神聽惟聰主祭者所當兢兢

競致慎焉

關局

一在胡家營

**畿輔通志**誌關隘云在縣北五

十里與密雲縣交界

按本境胡家營與懷柔縣交界並非密雲今廢

一在夏店

**畿輔通志**誌關隘云在縣西三十

里

按舊志明初置泥溝舖巡司掌之後移此今裁

一在南店

**畿輔通志**誌關隘云在縣南門外

三里

舊志東自遼海西至京師居民行客往來咸萃本朝設天津鈔關於此其額徵稅銀歸天津鹽院論曰邑之規模視乎建置建置備而規模遠矣詳沿革以明邑之所由名首城池以見邑之所由肇學校為興賢育才之地

行宮為

翠華臨駐之區公署為發政行令之堂至若倉廩以裕民食賓館以柔遠人致神則有壇社通商則

有關津皆建置之大者故例得並書

三河縣志卷之四

典禮志

先王化民成俗非禮不行典禮昭垂所該甚廣而慶賀以昭臣節頒歷以重民事餘如鄉飲讀法諸禮載在會典煌煌可考也至於成民致力聿嚴祀典美報昭矣若普濟留養義塚之設養生送死蕃息生民皆司牧者所有事也附誌於後以廣

皇仁志典禮

禮儀

朝賀

元旦冬至各令節闔城滿漢文武官穿朝服五鼓齊集東南街

萬壽寺拜牌行三跪九叩首禮前後共穿蟒袍七日

恭遇

皇上萬壽

皇太后萬壽闔城滿漢文武官行朝賀禮如前

恭遇

聖駕經臨滿漢文武官穿朝服恭赴邑境交界處跪

接跪送不行叩首禮

恭遇

恩詔下頒滿漢文武官穿朝服出郭遠迎

龍亭儀仗鼓樂前導至

萬壽寺行三跪九叩首禮

恩詔經過文武各官穿朝服出郭西跪接郭東跪送恩詔至公館文武各官穿朝服至

詔書前行三跪九叩首禮

頒朔

每遇 本府尹頒發新憲書五本卽頒送僚屬  
外動用額設銀三兩置買憲書散給駐防並各  
紳有差

迎春

歲之立春前一日縣尹穿朝服率僚屬迎春於  
東郊祭拜芒神春牛行一跪三叩首禮回供於  
縣大門東側次日按立春時刻祭拜如前執綵  
鞭赴春牛前一揖鞭牛三匝復一揖僚屬如之

鄉飲酒禮

鄉飲定例於正月望十月朔在明倫堂舉行縣  
尹爲主以禮敦請致仕鄉紳爲大賓以年高有  
德士人爲介賓以年高淳民爲耆賓以教諭訓  
導爲司正司訓位於主官之右僚屬位於簷下  
以廩膳生員讀 誥以老成生員贊禮正北設  
香案懸 誥命揚解文考鐘鼓讀 誥律畢司  
正揚觶主官告奠奏樂升歌樂奏南陔白華華  
黍詩歌鹿鳴之三樂奏由儀詩歌南山之三樂

奏由庚詩歌菁莪之三畢樂奏關雎鵲巢又奏  
葛覃采芣又奏卷耳采蘋畢賓主在月臺望

闕謝

恩行三跪九叩首禮畢鼓樂送賓而散

揚解文附

司正舉酒曰恭惟

朝廷率由舊章敦崇禮教舉行鄉飲非為飲食凡我  
長幼各相勸勉為臣盡忠為子盡孝長幼有序  
兄友弟恭內睦宗族外和鄉里無或廢墜以忝

所生

律令附

凡鄉飲酒禮序長幼論賢良別奸頑年高有德  
者居上高年淳篤者並之有違法者不得與良  
善之席坐有誼譁失禮者揚解者以禮責之

賓興

鄉試時縣尹搭橋甬道設宴公堂應試諸生至  
奏樂宴畢度橋簪花備道里卷資送至儀門外  
卽周禮所謂以鄉三物教萬民而賓興之仿其

遺意也

鄉約

本朝頒

聖諭十六條縣尹選耆碩為正副鄉約每朔望日縣尹

公服率僚屬蒞講所

龍亭前行三跪九叩首禮反覆宣揚勸戒凡鄉社之

民環立拱聽即周禮月吉讀法之遺意也

採護

每遇日月蝕 本府尹行文到縣至期縣尹率

僚屬擊鼓三聲採護於大堂前列香案供圖於

上陰陽生報初虧行一跪三叩首禮僧道奏樂

不絕各官環走三匝即古者伐鼓用牲於社之

意再報食甚環走如初生光亦如之復圖行禮

如初日食用朝服月食常服

上任

上任之前一日齋宿公所次早穿朝服進東門

祭城門行一跪三叩首禮至縣治祭儀門行一

跪三叩首禮望

關謝

恩行三跪九叩首禮拜卽行三跪九叩首禮進署更  
蟒袍拜竈行一跪三叩首禮升堂僚屬吏胥叅

謁次日謁

文廟行香行三跪九叩首禮崇聖祠行兩跪六叩首  
禮文昌祠城隍廟八蜡廟俱行一跪三叩首禮  
關帝廟行三跪九叩首禮倉神馬神獄神廟  
土地祠俱行一跪三叩首禮

明洪武十七年勅每月朔望郡縣長吏詣學行

香

本朝因之 關帝廟城隍廟亦一體行香

送學

每遇歲科試後縣尹傳齊新進諸生穿公服赴  
縣行庭叅禮飲酒三盃鼓樂前導縣尹送至儒  
學詣

至聖殿前行三跪九叩首禮至明倫堂縣尹位西教  
諭訓導位東行五揖四拜禮縣尹轉東位教官  
轉西位行交拜禮畢令諸生向教諭訓導行五



揖四拜禮諸生復向縣尹行五揖四拜禮凡諸生揖

縣尹教官俱答禮畢鼓樂安坐宴畢教官送縣尹上轎

諸生送至儒學大門外右首揖候轎過而退

**按**先王緣情制禮因性作儀其禮儀之煩簡一

準於情之隆殺故得性之和况職列冠裳而為

一方士民之表率乎謹依會典備錄之守土者

弗視為具文而以敬行禮斯可矣

### 祭祀

丁祭仲春秋上旬丁日丁屬火取文明之義

至聖先師歷代追封大成至聖文宣王塑像衮冕祭

用羊鹿豕籩豆簠簋爵斝幣籩加十二樂用

八佾嘉靖辛卯輔臣張璁議撤像易以木主尊

為至聖先師祭用籩豆各八舞用六佾顏曾以

下從祀者咸改公侯題曰先賢某先儒某每逢

春秋上丁日致祭

縣尹各官前三日齋戒前一晚率僚屬視牲告

潔至日五鼓教官先祭崇聖祠畢主祭官分祭

官陪祭文武各官俱穿朝服文東武西各依班

次行禮知縣正獻行三獻禮樂用六佾教官典  
史分獻行一獻禮獻畢復位行禮送神揖望燎  
先一日宰牲為醢毛血用盆盛貯臨祭瘞埋蓋  
取毛以告全取血以告幽也

皇清雍正二年設佾舞二十六人四年復用太牢

祭品

太牢羊豕各一俎 雲雷象犧尊各一獻  
太羹一登 和羹二酬 黍稷二簋  
稻粱二簋 菱栗芡榛棗鹽膏魚鹿脯八簋  
醢鹿醢兔醢魚醢豚韭菹笋菹菁菹芹菹八豆  
爵三 用勺以  
挹酒 帛一筐

明英宗命祭品非其土產以所產代之

崇聖祠 雍正元年進封

先師五代崇以王爵奉祀

肇聖王 裕聖王 詒聖王 昌聖王 啟聖  
王

以四配之考配祀從祀者以周程張朱蔡五先  
賢陳設與上同惟少太牢一俎太羹一登  
四配十哲兩廡從祀以次而少殺

名宦鄉賢兩祠

豕一 羊一 帛一  
爵三 兼用果品

文昌祠 祭品同上

縣尹于祭

至聖後率僚屬詣祠致祭

**按**文廟祀漢晉及隋或稱先師或稱先聖或稱宣尼宣文唐謚文宣王宋加至聖號元復加大成號明史洪武元年二月詔以太牢祀孔子于國學定制每歲仲春仲秋上丁日四年禮部定儀注改初制籩豆之八爲十籩用竹其簠簋登礪及豆初用木者悉易以瓷牲易以熟樂生六十人舞生四十八人引舞一人又詔天下通祀

孔子凡府州縣學籩豆以八器物牲牢皆殺于國學景帝增兩廡祭品憲宗增八佾籩豆各十二孝宗釋奠用太牢加幣世宗嘉靖九年宰臣張璁言孔子宜稱先聖先師不稱王祀宇宜稱廟不稱殿祀用木王易塑像籩豆用十樂用六佾天下各學八籩八豆舞止六佾牲用小牢本朝復用太牢餘儀因之

戊祭仲春仲秋上旬戊日戊屬土取祈報之義  
社稷壇

山川風雲雷雨壇 奉城隍牌位在壇內

祭品 羊一 豕一 帛十五 爵十五 棗栗

鹽膏魚各四簋 非菹醢醢菁菹鹿脯各

四豆 黍稷各二 籩 稻 梁各二 簋

乾隆二年奉 上諭府州縣地方凡遇戊祭日期如有提鎮道員各

按品級分東西兩班行禮陪祭

八蜡廟祀 先嗇 司農 貓虎 水塘 司嗇 水防 郵表 昆蟲

祭品 豕一 帛一 爵一

城隍廟 清明日七月望十月朔三祀

祭品 豕一 帛一 羊一

土地祠 在署內 祭品同

馬神廟 在驛內 祭品 羊一 帛一 爵一

獄神廟 祭品 豕一 帛一 爵一

奎星樓 祭品同

忠義祠 祭品 豕一 帛三 爵一

節孝祠 祭品同

關帝廟 每歲春秋奉文頒發吉日及五月十三

日共三祭

祭品 太牢羊豕各一俎 果 品四 爵三 帛

關聖三代雍正三年追封公爵崇祀

光昭公 裕昌公 成忠公 祭祀日期同前

祭品 豕三 羊一 果品 四 爵三 帛三

先農壇 每歲仲春奉文於亥日致祭畢舉行

耕籍禮

祭品 豕一 羊一 雞魚肉脯四簋 果品 四 豆 湯飯簋各二 爵三 帛三

耕籍時縣尹穿蟒袍詣籍田農夫牽牛耆老播

種印官扶犁九推各官俱九推撒犁

雍正十三年奉

旨致祭先農令該地方正印官承祭外其大小各武職 官各按品級分班行禮

乾隆八年奉文行常雩禮每歲照憲頒吉日奉

社稷山川先農雷雨五案供於山川壇合祀

祭品 羊五俎 果品五 素 供五 爵五 帛五

邑厲壇 每歲清明七月十五日十月朔日祭

無祀鬼神於本城北郊迎請城隍主壇

祭城隍 豕一 羊一 果品四 素供五 爵 一 其無祀鬼神用僧道誦經至素供酒

飯隨用

入學釋菜典有獨隆我

朝尊師重道封五代設太牢增樂舞故詳考禮制  
冠諸卷首他若壇壝廟祀所以捍一方福兆民  
者母曰幽漠實式憑焉祀典所謂遵國制達民  
情也司祭者可稍忽歟

卹典附

養濟院

按宋謂之居養濟院元謂之孤老院明謂之養濟院

舊志在縣治東南隅今址無考

乾隆五年知縣彭壽采在治東土地祠旁置屋  
四間

乾隆二十二年知縣陳景以逼近祠宇孤貧作  
踐非所以昭誠敬移置城南構土房五間收邑  
之孤貧無告者每月給米薪歲給冬衣布花銀  
兩死施棺木

留養局

乾隆二十三年奉

總督部院方題請直隸各屬設留養局冬月

留養貧民春融散遣其有篤疾及年過七十者  
常留在局通計一百四十州縣衛設局五百六  
十一處三河設局三一在南店房三間距城一  
里一在夏店房二間城西三十里一在段家嶺  
房四間城東二十里乾隆十八年署知縣師友  
尚奉文勸輸銀二百兩商領營息月息一分五  
釐歲收息銀三十六兩

謹附

總督部院方 頒立局規

一籌經費銀有官捐者有士商樂輸者有裁無  
益之費改充者有官物撥入者皆交殷商營運  
收其子息地畝有價置者有捐施者有官地撥  
入者有召墾畸零成熟者或賃租收息或寺僧  
自種以資米薪之用

一建局房有購地新建者有官房改設者有依  
寺廟賃借另別門戶者或賃借或建設門立木  
牌大書留養局三字有瘡瘍者異處婦人異室  
一給衣被交冬人給一襖二三人共一被病及

六十以上者給棉袴袴有餘則以次遍歲須新製勿令短薄

一收養期始十月朔如年寒歲歉則於九月望開局至二月止春寒則展至三月望去日量給數日錢米有殘疾不願去者仍准留局

一收養費每日大口給米八合小口四合十歲以下爲小口乳孩不給大口日給薪菜錢四文單身者五文聽自食如聚至數十百人則煮粥

日二次

一經理人或鄉耆衿監或寺僧或本處鹽當商惟誠實能事者任之

一備醫藥歲製寸金丹萬應丸之類存局備用  
一棺埋在局病故者官給棺一具埋於義塚如收養人多預製備用

漏澤園

漏澤之設肇自有宋神宗可陳向之奏建以葬民之死而無塋者

本朝因之 園在邑厲壇後



義塚

塚地八畝在南店東大道旁立有石碣一坐

東至胡地 西至李旗地  
南至道 北至喬旗地

雍正七年知縣林奕繩捐銀十兩置買凡死而無歸者許其瘞埋

又塚地一畝在南店張大明王廟後康熙年間越人所置凡浙紹流寓死而待歸故土者許其浮厝孤獨無嗣者許其埋葬

**按** 鰥寡孤獨窮民無告西岐惠鮮之政所首及

也范忠宣趙清獻惠養窮黎活衆歲以萬計中册皆艷稱之我

國家斟酌前代之宜雖一邑之小設養濟以恤其疾苦設漏澤以妥其孤魂此真嗣美周文而制府復體

皇上好生之心無一夫不得其所卽一邑之留養局亦必究心經度永垂良法爲令牧者可不實心經理歟

論曰禮嚴上下制行之原百度之禮儀卒獲民

志定矣羣祀之俎豆靡忒神聽聰矣至卹典則  
賑窮補困尤爲發政施仁所必先者固司牧者  
所宜加意也故連類及之以見幽明上下無不  
以至誠動物而天下固無一失所之人焉

